

摘星樓治痘全書

卷十四

卷十四

古方總列

附藥性畧辨



摘星樓治痘全書卷之十四

古方總列


胃苓湯 一百七十三

猪苓 澤瀉 白朮 白茯苓 蒼朮 厚樸

桂心 陳皮 甘草 等分 每服五六錢薑五片

棗二枚

治脾胃受濕太過以致嘔吐泄瀉不止或作渴
飲水過多腹鳴不欲食者用此合四君子湯加
木香治之



洗心散 一百七十四

二方

當歸 生地 木通 黃連 麻黃 大黃

荷 燈心引

如赤白口瘡者治之。又方。大黃甘草當歸麻黃
白朮白芍荆芥加薄荷生薑治寒熱利大小便。

香連丸 一百七十五

黃連 吳茱萸炒 木香 石蓮子 陳皮 醋調神曲

糊丸

痘時下赤白相雜。比之諸痢不同。大忌下藥。食

積。加山查、神曲、腹痛。加白芍、厚樸、裏急後重。加

木香、升麻。

人參竹葉湯 一百七十六

半夏 人參 當歸 天冬 淡竹葉

治虛煩不得寐、或兼自汗、加浮小麥、甘草、如值
炎暑、煩渴而便實、去當歸、加石膏、去天冬、加麥

冬。

加味犀角飲子 一百七十七

犀角 甘草 防風 牛旁子 荊芥 升麻

桔梗 麥冬

治痘已出。未能勻遍。壯熱心煩。口舌生瘡者。用之。

十六味清膈散 一百七十八

人參 柴胡 當歸 芍藥 知母 白朮 紫

苑 桑白皮 黃芪 地骨皮 茯苓 甘草

桔梗 石膏 黃芩 滑石

治已靨身熱咳嗽。涕唾稠粘。身熱鼻乾喘急。大便如常。小便黃赤。脾肺蘊熱。痘邪爲患。治上焦。



實熱。煩渴面赤。咽燥喉痛。便溺赤澹。狂言臥睡不安等症。又治癰疽。因熱毒蘊結於臟腑經絡之間者。用以疎導托裏。調和榮衛。使邪氣退。則元氣不傷。而痘瘡易愈也。

九味龍膽瀉肝湯 一百七十九

龍膽草 車前子 木通 歸尾 澤瀉 甘草

黃芩 生地 山梔

治肝經濕熱。或囊癰。下疳。便毒。小便澹滯。或陰囊作痛。小便短少者。宜服之。

柴胡麥冬湯 一百八十

柴胡 龍膽草 麥冬 甘草 人參 元參

肝膽熱毒。渾身壯熱。經日不除。自汗發渴作瘧。

此心肝二經熱甚。若痘瘡表熱。根色赤。掀痛作

渴飲冷。或耳目作痛。或素有肝火。或肝膽有熱。

皆此方主之。

生地黃湯 一百八十一 一方加桔梗五分

生地 一錢 麥冬 五分 杏仁 八分 款冬花 八分

陳皮 八分 甘草 五分



治身熱口渴。嗽甚心煩。小兒斑疹。胃經有熱者。

葛根麥冬湯

一百八十二

一方去石膏加淡竹葉

七片

葛根

麥冬

人參

石膏

升麻

甘草

茯苓

苓

赤芍

治斑疹頭痛發熱。此表邪未解。尤須防其內陷。

或痘後餘毒。或心神煩悶。此方外除表熱。內清

胃火兼補元氣。若非發熱作渴。表裏有熱者。不

可用。

三黃丸 一百八十三

黃連 黃芩 大黃 雪水搗丸。硃砂爲衣。

內外熱極。無陰氣以歛之。或表不大熱。其人煩燥不安。此熱在裏也。六七日不大便。腹滿而煩者。此內實有燥屎也。陽盛無陰。小便如血者。用之。

備急丸 一百八十四

大黃 木香 牽牛 神麴糊丸

有初熱腹中痛者。此毒氣與穀氣相併。宜去陳

苑挫。使毒氣得出。穀氣得消。

丁香脾積丸 一百八十五

三稜 莪朮 神曲 青皮 巴霜 小茴

陳

皮 丁香 木香 醋調神曲糊丸。

治食一切生冷之物。忽然腹脹作痛。煩燥喘促。

原物湯下。

當歸丸 一百八十六 用當歸煎膏和三味爲丸。

當歸 五錢

黃連 二錢五分

大黃 二錢五分

甘草 一錢

毒已出。又無陷伏。但有燥屎。不大便者。用之。又

毒邪未盡。煎熬津液。如面黃。大便黑。煩燥喘渴。或如狂。或喜忘。腹脹或痛。此有瘀血在裏也。如桃仁紅花。

桃仁承氣湯 一百八十七 二方 煎去渣。入桃仁泥。

桃仁 大黃 官桂 紅花 甘草

腰爲一身大關節。氣血流通則平。不通則痛。或身背作痛。又一方。去官桂。加枳實。去紅花。加厚樸。

三仁膏 一百八十八

麻仁一兩炒去殼

松子仁一兩去皮

桃仁五錢炒去皮

芝蔴一合炒入蜜水瀝去殼

治痘疹大便堅實不宜下者服此潤而通之

麻仁脾約丸 一百八十九

麻仁 芍藥 枳實 大黃 厚樸 杏仁

煩燥不得眠。大便秘結。心腹脹。又痘已出而大便秘。無煩脹狂譫之症者用之。

紫霜丸 一百九十

杏仁 赤石脂 巴豆 代赭石 浸蒸餅丸



若痘後胃弱。飲食不化。謂之食蒸發搐。其人必面黃潮熱。酸臭秘泄不調。或吐利腹痛。用此卡之。

葶藶丸 一百九十一

甜葶藶 隔紙炒

黑丑 炒

杏仁 炒黃

漢防已 各一

兩

入杏膏、取棗肉、丸。

治嗽而大便難。小便赤。此熱毒也。又治傷風咳嗽。面赤身熱。痰盛喘促之症。

榻氣丸 一百九十二

木香 檳榔 黑丑 神曲 糊丸

痘後虛腫脹滿。或氣喘粗者。此有宿垢在裏。不問餘毒食積蓄水。並宜先利之。利後以胃苓湯去甘草加參芪大腹皮調之。

潤腸丸 一百九十三 二方

歸稍 甘草 生地 麻仁 桃仁泥

治虛秘。又一方。麻仁、桃仁各一兩。羌活、當歸尾、大黃、煨皂刺、秦艽各五錢。蜜丸。或豬膽汁治脾胃伏火。大腸乾燥。或風熱血結者。用之。

五苓散 一百九十四本方加人參名人參五苓散去

人參名人參四苓散又方去肉桂加
柴胡黃芩名柴苓湯治小便不利

猪苓 澤瀉 白朮 茯苓 肉桂

治霍亂吐瀉燥渴飲水小便不通或初發熱大
便自調狂亂者或虛煩發燥而渴中暑煩渴瀉
自汗或腹痛或欠筋加藿香木瓜又或熱毒鬱
於中欲發而不得發宜四苓散因渴飲冷水過
多以致水漬脾胃濕淫肌肉痘不收如吐瀉不
止口渴身熱亦宜四苓散



枳殼散 一百九十五

紫草 枳殼 生地 大黃

治痘欲回未回。壯熱不退。痰實煩悶。大便堅實。

臥則哽氣者。用之。

八正散 一百九十六

滑石 瞿麥 大黃 木通 扁畜 車前 梔

子 甘草

痘後溺血。乃餘毒熱邪迫血妄行也。治下焦積熱。大小便不通。或小便淋漓。或心經有熱。小便

赤澁大便下血等症。

通關散 一百九十七

山梔 大黃 木通 甘草 車前 赤苓

參 瞿麥 滑石 扁畜

心煩作渴。大便不通。小便澁者。治毒氣太盛。內
外蒸爛。毒復入裏。必心煩狂燥。氣喘妄言。大小
便秘結而腹脹。此爲倒陷伏也。

妙應丸 一百九十八

檳榔 大黃 黃芩 滑石 黑丑